

de Traballo e Benestar, nas páxinas web (<http://benestar.xunta.es>) e (<http://www.escolasinfantis.net>) e nos propios centros.

As/os solicitantes admitidas/os disporán do prazo establecido, de conformidade coa orde, para matricularse presentando no centro onde obtivesen praza o impreso de matrícula debidamente cuberto acompañado de certificado médico da/o nena/o. O impreso de matrícula facilitarase nos propios centros, así como nas páxinas web (<http://benestar.xunta.es>) e (<http://www.escolasinfantis.net>).

De non formalizar a matrícula da/do nena/o no prazo sinalado, considerarase decaída/o na súa solicitude.

Contra esta resolución, que non esgota a vía administrativa, poderá interpoñerse recurso de alzada ante a Consellería de Traballo e Benestar no prazo dun mes que comezará a contar o día seguinte ao da publicación desta resolución no *Diario Oficial de Galicia*.

Ourense, 28 de maio de 2010.

José Sela Souto
Xefe territorial de Ourense

Resolución do 28 de maio de 2010, do Departamento Territorial de Vigo, pola que se procede á publicación da relación definitiva de nenas/os admitidas/os para o curso 2010-2011 nas escolas infantís 0-3 dependentes da Consellería de Traballo e Benestar.

Con data do 11 de marzo de 2010 publicouse a Orde do 5 de marzo de 2010 pola que se regula o procedemento de adxudicación de prazas en escolas infantís 0-3 dependentes da Consellería de Traballo e Benestar para o curso 2010-2011.

Estudadas pola Comisión de Baremación todas as reclamacións presentadas e resoltas pola/o xefa/e territorial, procédese á publicación da relación definitiva de admitidas/os e da lista de espera coa puntuación obtida en casa caso.

Estas reclamacións entenderanse resoltas coa publicación da lista definitiva, que se poderá consultar nos departamentos territoriais da Consellería de Traballo e Benestar, nas páxinas web (<http://benestar.xunta.es>) e (<http://www.escolasinfantis.net>) e nos propios centros.

As/os solicitantes admitidas/os disporán do prazo establecido, de conformidade coa orde, para matricularse presentando no centro onde obtivesen praza o impreso de matrícula debidamente cuberto acompañado de certificado médico da/o nena/o. O impreso de matrícula facilitarase nos propios centros, así como nas páxinas web (<http://benestar.xunta.es>) e (<http://www.escolasinfantis.net>).

De non formalizar a matrícula da/do nena/o no prazo sinalado, considerarase decaída/o na súa solicitude.

Contra esta resolución, que non esgota a vía administrativa, poderá interpoñerse recurso de alzada ante a Consellería de Traballo e Benestar no prazo dun mes que comezará a contar o día seguinte ao da publicación desta resolución no *Diario Oficial de Galicia*.

Vigo, 28 de maio de 2010.

M^a Carmen Bianchi Valcárcel
Xefa territorial de Vigo

CONSELLERÍA DO MEDIO RURAL

Orde do 28 de maio de 2010 pola que se determina a época de perigo alto de incendios.

O artigo 9 da Lei 3/2007, do 9 de abril, de prevención e defensa contra os incendios forestais de Galicia, establece que, en consideración aos antecedentes e datos históricos sobre o risco de aparición de incendios forestais en Galicia e sobre a incidencia das variables meteorolóxicas no comportamento do lume, a consellería con competencias en materia forestal definirá a época de perigo alto que condicionarán a intensidade das medidas que se vaian adoptar para a defensa do territorio de Galicia.

As análises espacio-temporais dos lumes forestais en Galicia nos últimos vinte anos reflicten dúas épocas cun incremento notable da actividade incendiaria e, polo tanto, débense considerar como épocas de perigo alto de incendios:

-Unha época fixa no período estival, que se corresponde normalmente coa campaña de incendios, durante os meses de xullo, agosto e setembro.

-Unha época variable, cunha duración aproximada dun mes, que oscila normalmente entre os meses de febreiro, marzo e abril.

Nestas épocas o despregamento de medios de extinción e alerta deberá ser máximo, en función dos índices de risco.

A ampliación como período de perigo alto da época fixa no período estival, así como a declaración como perigo alto da época variable, requiren de mecanismos áxiles e eficaces que permitan dar a coñecer estas circunstancias de modo inmediato aos medios implicados nos traballos de prevención e defensa contra incendios forestais, xa que os índices de risco de incendios e as predicións meteorolóxicas de que se dispón na actualidade só permiten facer previsión fiables como máximo a tres días. Por isto, procede establecer un medio dotado de maior celeridade que permita o coñecemento xeral e a adecuada